

Filipenses

Jacheuayama

¹ Pablo y Timoteo, Jesucristbiana oservénata, quem tsbuanácha fsëntsabiamná Filipos bëts puebloca Bëngbe Bëtsabe entsanga imomnënga, y Jesucristoftaca cánÿiñe mo canÿacá imomnëngbiana. Fsëntsabiamná nÿetsca chë Jesucristbeñe oşbuáchiyëngbiana, nÿetsca chentşa uanatsanëngaftaca y chë inÿe oşbuáchiyënga ujabuáchaniñe trabajayëngaftaca.

² Atşe sëntseimpadana Bëngbe Bëtsá Bëngbe Taitá y Bëngbe Utabná Jesucristo, chaboma tşëngaftangbeñe tşabe bendicionënga chaotsemnana, y chaboma tşëngaftanga ainaniñe tşabe ebionana chaşmotsebomnana.

Pablo Bëngbe Bëtsábioye tbojtanchuá oşbuáchiyëngbiana

³ Cada tşëngaftangbiana stenojuabó ora, Bëngbe Bëtsá tşëngaftangbiana sëndbëtsatschuanaye;

⁴ y Bëngbe Bëtsá tşëngaftangbe tşabiana stseimpadana ora, atşe corente oyejuayá chca sëndbëtsama,

⁵ ntşamo tşëngaftanga atşe şmojuájabuachama, tşabe noticiënga Jesucristbiana entsanga abuyayinayañe, tşëngaftanga Jesucristbeñe jtsoşbuáchiyama şmonjanbojatşé orscana y mëntscoñama.

⁶ Atše corente sěntsetatšěmbo, Běngbe Bětsá tojanbojatsě tšěngaftangbe ainaniñe tšabe soyěnga jtsamama, y más tšabe soyěnga yochtsamama. Y chca yochtsama, lempe ntšamo tšěngaftangbiamacha yojtsejuabnacá chaochněnguěntscuana, y chca, Cristo Jesús yochjésaběntscuana.

⁷ Atše tšěngaftangbiamama sempre ainaniñe sěndbėtsenojuabnaye, chíyeca atšbiamama puerte tšabá entsemna chca tšěngaftangbiamama jtsejuabnayana. Tšěngaftanga nyětscanga atše šmonjuájabuache jamama chě Běngbe Bětsá tša tšabia bėtsemnayeca šonjaněntsabuaché trabajo. Atše chě Běngbe Bětsabe trabajo sěndbomna jamama, mora sěntsėtámēna ora o natjėmbana shjoca stsana ora, nyětscángbioye tšabá injyinjnyaiñe chě tšabe noticiěnga ndegombre soyěnga bėtsemnama, y bėtscá amiñe entšanga chě soyěnguiñe corente chamotsošbuáchēma.

⁸ Běngbe Bětsá yotátšěmbo ntšamo sěntsichamcá ndegombre bėtsemnama. Atše tša sěntseboše tšěngaftanga jányama y cbontsababuanjeshana cachcá ntšamo Cristo Jesús atše šondbobonshancá.

⁹ Atše, Běngbe Bětsá sěntseimpadana tšěngaftanga cada te más chachašmotsebobonshánama y chě injyengbioynaca, chca, osertánana chašmotsebomnama ndayá chě ndegombre soye bėtsemnama jtsetatšěmbuama, y chašmotsetátšěmbo ndayá tšabá o ndayá ndoñe tšabá tondmēnama;

¹⁰ y chca, chašmotsobena sempre jabocacayama chě puerte tšabá yojtsemna jamama soye. Chca, Cristo yochjésabo ora, tšěngaftanga puerte

tšabe vida šmochántsebomna, bacna soyëngaca ndëmandánënga; y tondaye quešmochátama, chora chë entsanga chca ndoñe tšabá quenátsmëna ca chamuátichamuama.

¹¹ Y lempe ntšamo chašmojtsamcá ndegombre tšabá echántsemna, y nÿe Jesucristo endobena jamama entsanga chca chamotsamama. Nÿetsca chë tšabe soyënga echántsemna, Bëngbe Bëtsá puerte bëtsá y uamaná bëtsemnama jinÿanÿiyama.

Atšbe vida endmëna Cristo jtseservënama

¹² Jesucristbeyeca atšbe catšátanga, atše sëntseboše tšëngaftanga chašmotsetátšëmbo, ntšamo atše tijapasama, más bëtscá entsanga Jesucristbiana tšabe noticiënguñe chamotsošbuáchema tojoservema.

¹³ Chca, nÿetsca chë romanëngbe mandadbe bëts yebna bojanÿá soldadënga y chë inÿe entsanga quem luarentše montsetátšëmbo atše utamená stsemna, atše Cristbiana tstrabája causa.

¹⁴ Atše utamená sëntsemnayeca, ošbuáchiyënguentsana banga ainaniñe más añemo montsebomna, y chíyeca chënga Bëngbe Bëtsabe palabra más y más añémoca y tondayama ntjatauatjca entsángbioye montsabuayiyná.

¹⁵ Ndegombre entsemna, báseftanga Cristbiana entsángbioye imojtsabuayiyná, pero chëngna nÿe ntšamo tijashjachcá šmojtsántšabošama chca, y chënga imojtseboše, bëtscá jtsamëse, atše chayotjáyanama; chíyeca chca imojtsama. Pero ínÿengna, entsángbioye montsabuayiyná tšabe soyënga ínÿengbiana jamama ndegombre imojtsebóšeyeca.

16 Mënga chca montsama, atše šmondbobonshánayeca y Bëngbe Bëtsá chë trabajo šojanëntsabuáchema mondëtatšëmboyecca, Jesucristbiana tšabe noticiënga ndegombre bëtsemnama entšanga jtsinÿanÿnayana;

17 pero chë ínÿengna chca imojtsama, ndoñe tšabe soyënga ínÿengbiana imojtsebóseyeca, ndoñe chënga chë ínÿengbiana tšabe soyënga imojtsebóseyeca. Chënga Jesucristbiana imojtsoyebuambná nÿe entšanga chënga chamotsarrespetánama, y nÿe cachëngbiana tšabe soyënga jtsebomnama imojtsebóseyeca. Chënga jtsejuabnayana mochjobenaye jamama atše más chašotsengménama ca, muentše utamená chjëftsemnëntscuana, chënga entšángbioye chca tmojtسابuatambá ora.

18 Pero ¿ndayase chë soye atšbiana? Masque ntšámna, tšabe soyënga ínÿengbiana tmojtseboše o ndoñe, Cristbiana montsoyebuambná, y Cristbiana chënga montsoyebuambnama atše oyejuayá sëntsemna.

Y cabá más chanjóyejuaye,

19 er atše sëntsetatšëmbo quem utámenentšana atše chjësebocnama. Atše sëntsetatšëmbo muentšana chjësebocnama, tšëngaftanga Bëngbe Bëtsá šmoimpadánayeca y Jesucristbe Uámana Espíritu šuajabuachánayeca.

20 Atše corente jtsošbuáchiyëse Bëngbe Bëtsábeñe sëndobátmana, atše ndocna te tondaye chanjëftsema y chama chjaisëuatjama, pero aíñe nÿetscangbe delante beca añémoca chayoyebuambá, y nÿets tempo pero más mora,

lempe ntšamo stsamama y stsihámuama, atše chaima entšanga chaminyanýema Cristo puerte bētsá y uamaná bétsemnama, y chca chántsama masque ainá o obaná chaitsemnēse.

²¹ Chca entsemna, er atšbe vida Cristo jtse servénama endmēna, y nderado atše chajjóbanēse, nyetscanga puerte bēts soye mochanjēftsashjache.

²² Pero atše ainá stsemnēse, chanjobenaye más uámana trabajo Cristbiana jēftsemama. Chíyeca, atše ndoñe corente quetsátstatšēmo ntšamo mora jobuáyanana, ainá jtsemnama o ndoñe.

²³ Ndegombre mora puerte šontsētēmnana ntšamo jobuáyanana: atše tša sēndboše ndoñe más quem luarentše ntjēftsemnana, Crísoftaca jtsatsmēnama, y ndegombre chca atšbiana puerte tšabá nántsemna;

²⁴ pero, ínyoicana tšēngaftangbiana šontsemna ainá jēftsemnana.

²⁵ Atše corente sēntsetatšēmo chca ndegombre yochtsemnama, y chíyeca sēntsetatšēmo atše cabá ainá chjēftsemnama, tšēngaftanga jujabuáchama más Jesucristbeñe chašmotsošbuáchema, y chiñe bētsá oyejuayana chašmotsebo mnama.

²⁶ Chca, atše tšēngaftanga jutsētsayama choye chajjá ora, chašmobená inye soyama más Cristo Jesús jētschuayama.

²⁷ Morna, chē más uámana soye entsemna, tšēngaftanga chašmotsama ntšamo jtsiyenama ntšamo chē Cristbiana tšabe noticiēnguiñe endayancá. Y mēntšá, cachcá, jutsētsayama chajjá o ndoñe, atše chántsetatšēmo tšēngaftanga Jesu-

crístbeñe ošbuáchiyama ndoñe šmontsajbanama, y aíñe becá ošbuáchiyana chábeñe šmotsobomñama; nyetscanga cachcá šmojtsejuabnáyeca y nyetscanga cach soye šmojtsebóseyeca, cányiñe nyetscanga enutanánenga jtseñojuezánese, ndocná chë tšabe noticiënguiñe tšëngaftanga šmobomna ošbuáchiyana chacmondábuajuanama.

28 Tšëngaftangbe uayayëngbiana ton-dayama šmattsauatja, sempre bëtsá añemo šmochtsebmomna. Chca tšëngaftanga šmochanjínyanýiye chënga pochocánenga mochtsemnama, y tšëngaftangna atsebácanënga šmochtsemnama. Y chë soye Bëngbe Bëtsá tšëngaftangbiana echántsama, Crístbeñe šmošbuachéyeca.

29 Chca echanjopása, er Bëngbe Bëtsá tšëngaftangaftaca puerte tšabia endmëna, Cristbiana oservénënga Bëngbe Bëtsá tcmojábiana, pero ndoñe nýe chábeñe chašmotsošbuáchema, ndayá chabiana chašmosufrímnaca.

30 Tšëngaftanga y atše cachca soyama montsenojuezana. Tšëngaftanga ya šmonjinýe ntšamo atše sënjánenojuezana, entšanga jinýanýiyama chë tšabe noticiënga ndegombre soyënga bëtsemnama. Y mora, tšëngaftanga noticiënga šmochanjóyëngacñe ntšamo atše cach soyama cachcá stsamama.

2

Ndoñe uámanënga šmattsenobiamnaye, ntšamo Cristo ndoñe tonjanmcá

1 Tšëngaftanga, Crísoftaca cányiñe mo canýacá jtsemnëse, ainaniñe bëtsá añemo

šmontsebmna. Cristo cmondábabuanÿeshana, y chë soye tšëngaftanga cmontsējabuachana nÿetsca trabajënguentsana tšabá jabocanama. Y tšëngaftanga Cristbe Espíritoftaca cánÿiñe mo canÿacá šmontsemna; tšëngaftanga nÿetscanga šmondénbobonshana y nÿetscangbiana jóngmiana šmondumana.

² Tšëngaftanga lempe chca šmobómnayeca, atše corente oyejuayá šmochjábema, er tšëngaftanga nÿetscanga cachcá cánÿiñe šmondëjuabná, cachcá nÿetscanga šmondénbobonshana, nÿetscanga mo canÿe ainancá šmondbomna, y nÿetscanga cachca soye šmondboše.

³ Tondaye šmattsama nÿe ínÿenga chë sóyeca chamotjáyanama, o nÿe tšëngaftanga tša bëts soyënga amënga šmomna ca entšanga chamotsejuabnama; pero ndoñe yapa uámanënga šmojtsemna ca šmochtsejuabnaye, y cada ona chaotsejuabná chë ínÿenga bëngbiana más uámanënga imomnama.

⁴ Y ndocná tondaye chaondëtsama, nÿe chabiana tšabe soyënga jónÿenama, sinó ndayánaca chaotsama nÿetscangbiámna tšabe soyënga jónÿenama.

⁵ Tšëngaftanga cmontsamna jtsemnana ntšamo cach Cristo Jesús yojanjuabná y yojanamcá:

⁶ Cha nÿets tempo yomna cach Bëngbe Bëtsacá y uamaná cach Bëngbe Bëtsacá,

pero masque chca, ndocna te yonjanjuabná:

“Atše sëntseboše nÿetsca entšanga nÿets tempo atše chašmotserrespetana, ntšamo atšbe Taitá Bëngbe Bëtsá mondërrespetancá ca.”

⁷ Pero cha mo nduamanacá tonjanóbema, n̄yetsca chabe bomna soyēnga jēftseboshjonēse, y ndegombre, mo can̄ye oservenacá tojanóbema. Cha can̄ye entšacá tojanon̄yná, y entšanga can̄ye ndegombre entšacá tmojánin̄ye.

⁸ Cachá tojanlesenciá nduamaná jtsemnana, y sempre Bēngbe Bētsábiōye ibnayeunana, y jobanámnaca, cruciñe jóbanēse.

⁹ Ndayá cha tonjanmama, Bēngbe Bētsá, chē celoca más uámana luare tbojanin̄yin̄yē y chē más uámana uabaina, chē más bētsétsangbe uabainēnguentša uabaina tbojabuajo;

¹⁰ y chca, celoca imomnēnga, y quem luarentše y fshantse jashenoye imomnēngnaca n̄yetscanga chamóshamentšema, Jesúsbiōye jētschuayama, chabe uámana uabaina jayanēse;

¹¹ y chca, n̄yetscanga chamuayana Jesucristo chēngbe Utabná yomna ca, chca, Bēngbe Bētsá chē Taitá n̄yetscanga chamotsatschuanama.

Crístbeñe ošbuáchiyēnga entsamna mo buash-in̄yin̄yana estrellēngcá jtsemnana

¹² Chcasna, atšbe bonshana catšátanga, ntšamo atše tšēngaftangaftaca sējamna ora, atše sempre šmonjanēyeunancá, mora más šmochtsatēñeyeunana, mora atše tšēngaftangbiamna bēnoca stsemna ora. Bētsétsanga ntjateno-biamnaycá y Bēngbe Bētsá jtserrespetánēse šmochtsama soyēnga, chca, tšēngaftangbe tšabe videntše, Jesucrístbeñe ošbuáchiyēnga quetsomñecá, tondaye chacmondētsabuáshebenama;

¹³ er Bëngbe Bëtsá nÿets tempo tšëngaftangbe ainaniñe ínëtsama tšëngaftanga ndayánaca chašmotsebošama y chašmotsamama, ntšamo cha yajuabná y yobošcá chaotsemnama.

¹⁴ Ndayánaca jamama chacmojtšëjaboto ora, chë soye šmochjama, chca jamama yapa totcá comna ca ntjatichamcá y ínÿengaftaca jabuachana ntjate-natsëtsnaycá.

¹⁵ Chca cmontsamna, chca, tšëngaftanga šmojtšama soyënguiñe ndocná ndocna bacna soye chaondínÿenama, y puerte tšabe vida chašmotsebošnama. Bëngbe Bëtsabe puerte tšabe basengcá šmochtsiyena, tšëngaftanga chë šmojtsemnënga canÿe luarentše puerte bacna entšángbeñe y sempre bëtscá bacna soyënga jtsamana uamanëngbeñe. Chíyecna, tšëngaftanga šmochtsiyena puerte tšabe soyënga jtsamëse, y chca tšëngaftanga šmochántsemna mo canÿe ibetiñe luarentše buashinÿinÿana estrellëngcá.

¹⁶ Chë tšabe soyëngaca entšángbioye chauinÿanjé ntšamo muanjobenaye tšabe vida jtsebošnama. Chca chašmojamëse, Cristo cachiñe yochjésabo ora, atše chantsobena tšëngaftangbeyeca puerte oyejuayá jtsemnana, er ntšamo chašmojamcá echanjínÿanjÿe atše ndoñe nÿe bonamente jabuache tijatrabajá. Chca atše chántsemna mo nda bëtscá tojoprontá, y chentšana ínÿengaftaca tojótjajo ora, chëngbioye tojtsayëjanacá.

¹⁷ Mo chë altaroca canÿe bachna buiñe tojuabuashanacá, Bëngbe Bëtsá jëtschuayama tmojóba ovesháftaca, cachcá nderado echántsemna atšbe buiñe, atše šmojóbase, chca, Bëngbe Bëtsábioye

oyejuayá jabemama. Tšëngaftanga bëtscá šmojalemošná, Crístbeñe tša šmošbuachéyeca, y tšëngaftangbe ošbuachiyánënaca endmëna Bëngbe Bëtsábioye oyejuayá jabemama. Chë uta soye echántsemna mo chë buiñe y chë oveshacá, Bëngbe Bëtsábioye oyejuayá jabemama. Atše chca stjobanëse, puerte oyejuayá stsemna, y stjama tšëngaftángnaca cachcá chašmotsóyejuama.

¹⁸ Chca, tšëngaftanga cmontsamna oyejuayënga jtsemnana, y šmochjama átšnaca oyejuayá tšëngaftangaftaca chaitsemnama.

Timoteo y Epafrodito

¹⁹ Atše becá ošbuachiyánaca Bëngbe Utabná Jesúsbeñe jtsobátmanëse, sëntsejuabná pronto chjobenaye Timoteo tšëngaftangbiöye jíchmuama, tšëngaftangbiamá chašuabocuéntama, y chca, atše más añemo chaitsatsbomnama.

²⁰ Er nÿe cha endmëna canÿa cach atšcá ainaniñe juabnayá, y cha ndegombre puerte entseboše tšëngaftanga tšabá chašmuetsiyenama;

²¹ chë ínÿengna nÿetscanga nÿe cachëngbe tšabiamá ndayánaca jamama jtsejuabnayana, y tondaye ntsebošana Jesucristbiamá jamama.

²² Pero cach tšëngaftanga ya šmondétatšëmbo, ntšamo Timoteo chë padecena soyënguentšana tšabá tonjétsobocñama, y ntšamo Timoteo y atše, mo canÿe uaquiñá chabe taitábioye cuaftsajabuachancá, cánÿiñe fsënjantrabája, más bëtscá entšanga chë tšabe noticiënga chamóyëngacñama.

23 Chcasna, atše sentsobátmana cha jíchmuana, ntšamo átšeftaca jopásama chaitsetátšëmbo y cachora;

24 pero bëtscá ošbuachiyánaca sentsobatmánayeca, sëntsejuabná, Bëngbe Utabná chašojtábocnëse, pronto átšnaca chjobenaye choye jama.

25 Atše sëntsejuabná yojtsemna, Jesucrístbeyeca bëngbe catšata Epafrodítnaca choye jíchmuana, nda átšeftaca cánÿiñe endëtrabája y chë tšabe noticiënga ndegombre soyënga bëtsemnama jinÿanÿiyama endenojuerzana, nda tšëngaftanga šmojanichmó atše chašuabëuájabuachama.

26 Cha chanjíchmua; cha puerta entseboše tšëngaftanga jánÿama, y yapa ngménaca entsemna, cha šocá enjamnama šmojátatšëmbonama.

27 Y ndegombre cha šocá enjamna, y enjétsinÿna mo jtsobanamcá; pero Bëngbe Bëtsá tbonjalastemá, y ndoñe nÿe chábioye sinó átšbioynaca, atše ndoñe más ngmenanënga chayátsbomnama, ntšamo mora sëntsebomnama.

28 Chíyeca atše más sëntseboše cha pronto jíchmuana, as tšëngaftanga cha chašmojtinÿe ora, puerta oyejuayënga chašmotsemnama, y atše ndoñe yapa chašondëtsengmenama.

29 Smochjofja nÿets oyejuayánaca, Bëngbe Utabnábeyeca catšátanga quetsomñecá; y nÿets tempo chacá amëngbioye mo bëtsetsangcá smochtsétabna,

30 er batšatema más y matënjétsobana, Cristbiana trabajayíñe uajabuachaniñe. Cha chë trabajo tonjanma atše juajabuáchama, ntšamo cach

tšëngaftanga ndoñe chešmatanobenacá, atše juajabuáchama.

3

Ndayá Pablëbiana ndegombre corente yojanámana

¹ Y morna, atšbe catsátanga, ndayá Bëngbe Utabná tojamama móyejuanga. Ndoñe bacá quešnatámana, ntšamo chë inÿe tsbuanáchañe tcbonjanëbuabiamcá cachcá cachiñe jtëtëyanama; y chë soye bëtscá cmochanjújabuache ndoñe resjuiñe chašmondëtsemnama.

² Cuedado šmochtsebomna chë ndoñe tšabe entšangbiana, mo quešëngcá imomnënga, chë puerte bacna soyënga mondbétsamënga, y entšangbe más delicadentše base bobachtema jatëtšana uamanënga;

³ er bënga mondmëna y ndoñe ínÿenga, chë ndegombre uinÿnanánana bomnënga, bënga Bëngbe Bëtsabe entšanguentsënga bëtsemnama, bënga chë Uámana Espiritbe uajabuáchenanaca Bëngbe Bëtsá mondadóránama, bënga chë Cristo Jesúseftaca cánÿiñe mo canÿacá bëtsemnama mondbétsoyejuama, y bënga chë ntšamo ínÿenga monduamancá bëngbe cuerpiñe jamama tondayama yondoservénama mondbétsejuabnayama.

⁴ Masque atše razón sëndëtsóbomñe, ndayá atšbe cuerpiñe tmojamcá ndegombre iuámanama jtsejuabnayama; nderado nda tojtsejuabná razón yojtsebomna chë soyënga yoservenca ca jtsejuab-

nayama, ndegombre atše chabiana más razón chama stsó bomñe.

⁵ Sēnjanonŷná y posufta tianoye base bobachtema chē más delicadentše šmojantētše; atšbe nŷets uta bētsētsata Israeloca entšanguentšata bonjamna, y atšna Benjaminbe bēts pamillentšá sēndmēna; atšbe tempsca bēts taitanga nŷetscanga hebreunga imnamna. Atšna fariseo sēnjamna. Atše sēnjánama, lempe ntšamo judiēngbe leyēnguiñe endayancá, ndayá jamama šojanmēncá.

⁶ Atše tša sēnjánboše Bēngbe Bētsá jtseservénama, chíyeca Jesúsbeñe ošbuáchiyēnga bētsca sēnjanēcama; y ndayá canŷe entšá ibnētsemna jtsamama, Bēngbe Bētsabe bominiñe tšabia jtsemnama, judiēngbe ley jtsocumplínese, chama ndocná tondaye quenjátšbomna jayanama, atše ndoñe tšabá sēntsanama ca.

⁷ Pero lempe chca ntšamo atše sēnjamna y ndayá sēnjánamama, puerte sēnjanjuabná atšbiana puerte yojanámana ca; pero mora, Cristo atšbe ainaniñe tonjámashēngoyeca, chē soyēnga atšbiana ya ndoñe quenatámana.

⁸ Y cabá más, tondaye atšbiana quenatámana, chē bēts soye jtsonŷayēse, Cristo Jesús, Bēngbe Utabná jtsabuatmana. Chábeyeca, lempe chē nŷe quem luarentša soyēnga sēnjéseboshjona, y lempe chē soyēnga atšbiana tondayama quenátoservena; y chca entsemna, chē bēts soye jēftsashjáchama, Cristo jtsabuatmama,

⁹ y cháftaca cánŷiñe mo canŷacá jtsemnama. Atše ya ndoñe quetsatsnguá Bēngbe Bētsabe bominiñe tšabia jtsemnama, nŷe ntšamo atše tijamama chē

judiëngbe ley jtsoCumplínëse, pero Crístbeñe jtsošbuáchiyëse aíñe; Bëngbe Bëtsá entsama atše chabe bominiñe tšabia chaitsemnama, atšbe bacna soyëngama jtseperdónase, y lempe chca entsemna atše Crístbeñe sëndošbuachéyeca.

¹⁰ Atše sëntseboše ndayá cha jtsabuatmana, chë obanënguentšana tojtanayenama cha tojaninñanyé obenana atše chaitsebomnama, atše cháftaca cánñiñe mo canñacá chaitsemna ora; y ntšamo bënga játsebacama ora cach Cristo tojansufricá, átsnaca cachcá chaisufrima. Y cha tojanóbana orcá atše chaitsemnama;

¹¹ y ntšámnaca, atše jëftsashjáchama Bëngbe Bëtsá chaoma atše chaitayenama.

Yejuana jtsentšénëse, Bëngbe Bëtsábiocana uacanána josháchiñama

¹² Pero atše ndoñe quetsátichamo lempe chca ya tijashjache ca, o atše ndocna bacna soye ndamá y puerte tšabia Bëngbe Bëtsabe bominiñe stsemna ca, pero sempre natsanoye sëntsá, mo nda canñe luaroye jashjanguama cuaftsëchamancá; y puerte jtsošbuáchiyëse sëntsobátmana atše chjobenaye jtsemnama, chë ndayama Cristo šojanchembo, er Cristo Jesús ya tonjama atše chabiamana chaitsemnama.

¹³ Atšbe catsátanga, atše ndoñe quetsátichamo chca ya tijashjache ca. Pero chama canñe soye sëntsama: chë tempo atše sënjánbomna y sënjánama soyënga, mora lempe stëtsoye sënjaquedá, y bëtscá sëntsama jobenayama chë jashjanguama yojtsemnoye jashjanguama,

14 chë ndémoca yojtsemna jashjanguama luaroye jobenayama jashjanguama, mo nda canyë luaroye jashjanguama ndayánaca juácanama bëtscá jenujuérase cuafitséchamancá. Cachcá, átšnaca sentsá chë Bëngbe Bëtsá šojtsachembuana uacanánana josháchiñama, Cristo Jesúsbeyeca; y chë uacanánana entsemna chë nyetsca tescama yomna tšabe vida jtsebomnana.

15 Chca bënga šontsamna jtsejuabnayana, chë Jesucristbeñe puerte ošbuáchiyana y nyets tempo cha ústonënga; y nderado tšëngaftanga ndayíñnaca inyetsá šmojatsjuabná ora, Bëngbe Bëtsá chë sóynaca tšabá cmochanjínñanñiye.

16 Pero morna šontsamna jtsiyenana ntšamo mentscoñama Bëngbe Bëtsabe soyëngama šojosertacá.

17 Jesucristbeyeca catšátanga, ntšamo atše sëndmëncá tšëngaftanga šmochtsemna, y chë ntšamo jtsiyenama tcbonjaninñanñecá imojtsiyenëngbioye šmochtsënñaye.

18 Ntšamo cbochanjauyancá, ya ba soye tcbonjáuyana y mora cachiñe chca chanjayana, pero chca jayanamna atše puerte ngmënaca sëndbétsemna. Banga mondmëna, y chënga ntšamo vida imojtsebomnama montsinñinñná, lempe ntšamo Cristo chë cruciñe jóbaneşe bëngbiamuayancá contra chënga imojtsemnana,

19 y chëngbioye nyetsca tescama infiernoca mochántsapochocaye. Chëngbiamu chë más uámana soye yojtsemna jtsamana ntšamo cachënga tmojtsebošcá, nyë cachëngbe cuerpiñe tšabá jtsomñama. Chënga nña mo bëts soye cuafjamcá jtsemnana chë

soyënga tmojtsama ora, pero ndegombre chënga entsamna cach soyëngama jtsëuatjama; y chënga sempre jésejuabnayana chë nÿe quem luarama enójuabnayëngbe soyëngama.

²⁰ Chë cuenta bëngna, ndegombre celocama entsanga mondmëna, y mora montsobátmana, chë luarocana chauabo bëngbe atsebacayá, Bëngbe Utabná Jesucristo.

²¹ Cha bëngbe cuerpënga, chë pronto jopochócama cuerpënga echanjátrocaye, jtsemnama mo chabe cuerpchá, chë obanënguentšana tojtayenabe cuerpchá; y cha chca echanjama, cha puerte obenana lempe jtsemándayama bómnyeca.

4

Bëngbe Utabnáftaca cánÿiñe mo canÿacá jtsemnëse oyejuayana jtsebmnaná

¹ Chcasna, Jesucristbeyeca atšbe catšátanga, Bëngbe Utabnábeñe ošbuáchiyana ntjajbanacá, y puerte chábeñe jtsošbuáchiyëse, cháftaca cánÿiñe mo canÿacá šmochtsemna. Corente cbondábabuanÿeshana y tša sëntseboše tsëngaftanga jányama. Tsëngaftangbeyeca atše puerte oyejuayá sëntsemna, y atše corente sëndbétsoyejuaye tsëngaftangbiamá ínÿengbioye jáuyanama.

² Evodia sëntseimpadana y Síntiquenaca, chata chabupatenóyeunama, mo Bëngbe Utabnábeñe ošbuachiyata quetsomñecá.

³ Y ácnaca, nda puerte tsabá átseftaca tconjatrabajá, cbontseimpadana chama chë shembásata chacújabuachama, er chata bëtscá átseftaca tbonjatrabajá tsabe noticiënga entsanga

abuayiynayiñe. Clemente y inye entsanga átseftaca tmonjatrabajá cach soye amiñe. Nýetsca chëngbe uabaina entsábemana chë librësañe, ndayentse yojtsábemana chë tšabe vida mochjónyëngbe entsangbe uabaina.

⁴ Sempre oyejuayënga šmochtsemna, Bëngbe Utabnáftaca cányiñe mo canýacá jtsemnëse, y cachiñe šcutëtayana: ¡Móyejuanga!

⁵ Nýetscanga chamotsetátšëmbo, tšëngaftanga tšabe juabna bomnënga šmomnama. Bëngbe Utabná jésabama tempo ya entsobeco.

⁶ Tondayama šmattsenócochinýena, pero cada Bëngbe Bëtsáftaca chašmojtsencuénta ora, ndayá cmojtsëjabortama cha šmochjaimpáda. Y chca chašmojtsama ora, chánaca šochtsatschuanaye.

⁷ Chca, Bëngbe Bëtsá echanjama chë chabe ainaniñe tšabe ebionana tšëngaftanga chašmotsebomnama; chë tšabe ebionana puerta bëtscá endmëna, y bënga entsanga quetsomñecá ndoñe ntsobenana chama jósertana; y chca tšabe ebionánaca, tšëngaftangbe juabnënguiñe y ainaniñe tondayama quešmochátenocochinýena, er tšëngaftanga cányiñe mo canýacá Cristo Jesúseftaca šmondmëna.

Lempe ntšamo tšabá yomncá soyëngama jtsejuabnayana

⁸ Cabana, atšbe catšátanga, lempe ntšamo ndegombre yomncá soyënguiñe šmochtsejuabnaye, lempe chë respeto yomerecéniñe, nýetsca soyënguiñe entsangbe bominiñe tšabá yomniñe, nýets tempo corente tšabá yomniñe, nýetsca soyënga entsanga yogusetániñe, y lempe chë

ndayama entšanga tmojtsejuabná tša iuámana ca soyënguiñe. Lempe chë tšabá yomna soyënguiñe y jtsatschuanayama yomna soyënguiñe šmochtsejuabnaye.

⁹ Sempre šmochtsama chë átšbentšana šmojuábouinýe soyënga, chë atšbiajana šmojóyëngacñe soyënga, chë atše šmojoyeuná soyënga y ntšamo šmojinýcá atše jtsamana. Chca šmochtsama y Bëngbe Bëtsá, chë bënga ainaniñe tšabe ebionana chamotsebomnama amá, tšëngaftangaftaca echántsemna.

Pablo tojtanacheuá tmojanájabuachama

¹⁰ Atše corente sëndoyejuá Bëngbe Utabnáftaca cánýiñe mo canýacá tsmënama, er tšëngaftanga ba ishinýe chentšana, cachiñe šmojatobená atše jatinyñiyana ntsachetsá atšbe tšabiana tšëngaftangbiana iuámanana. Chca, atše ndoñe quetsátichamo tšëngaftanga atšbiana cmojtsanebnëtjomba ca, ndayá ntšamo tšëngaftanga tšabá šmojuabnacá atše jinýinyiyama ndoñe yonjanopodena ca.

¹¹ Atše chca, ndoñe quetsátichamo uajabotá stsemna ca, er atše sënjuatsjinýe sempre oyejuayá jëftsemnana, nýe ndaye soyiñe masque batšatémnaca stsebomñese.

¹² Atše sëndétatšëmbo ntšamo yomna jtsiyenana chë vida jtsebomnama ujaboto soyënga tojtsashbenëse, y ntšamo yomna jtsiyenana chë tcuajabótama más bëtscá jtsebomñese. Atše tijuat-sjinýe oyejuayá jtsemnana masque nýe ndaye soyënguiñnaca stsemna ora, jasama bëtscá stsebomna ora o masque nýe shëntseca jtsemnama

šojtsemna ora, atše jtsiyenama bētscá soyēnga stsebomnēse o masque ndóñnaca.

¹³ Atše lempe chca sēndobena, atše obenana jtse-bomnama Cristo endbētsamayeca.

¹⁴ Masque chcasna, tšēngaftanga tšabá šmonjama, atše padecena soyēnguiñe sēnjamna ora atše juajabuáchana.

¹⁵ Tšēngaftanga, chē Filipos puebloca Jesu-crístbeñe ošbuáchiyēnga, corente šmondétatšēmo, Macedonia luarentšana sēnjēftsanbocna ora, nýe tšēngaftanga atše šmonjanájabuachama; inýe ošbuáchiyēnga ndoñe. Chora enjamna atšbe bojatsena tempo tšēngaftangbe luarentše chē tšabe noticiēnga entšanga abuayiynayiñe; y nýe tšēngaftanga atše šmonjanájabuache.

¹⁶ Ba soye atše Tesalónica puebloca sēnjamna ora, y chašmuájabuachama šonjanájaboto ora, tšēngaftanga atšbe opresidēngama crocénana šmonjanafja.

¹⁷ Chca ndoñe quenátayana atše tsjuabná nýe tšēngaftangbentšana ndayánaca jójyēngacñama ca; chē sóyeca atše sēntseboše ndayá tšēngaftanga más tšabe soyēnga chašmotsamama, Bēngbe Bētsá tšēngaftangbiamá más chaotsóyejuama.

¹⁸ Er atše ya lempe sēnjójyēngacñe, y chē šuajabótama cabá más sēntsebomna. Atše chē ntšamo šjuajabotcá lempe sēntsebomna, chē tšēngaftanga Epafrodítóftaca šmonjanichmó soyēngaca. Ndayá atše šmojanichmocá, Bēngbe Bētsabe bominiñe puerte tšabá entsemna, mo juatšēmbonama ndayá tcojóba y altaroca tcojajuinýe y botamana tojtsonguētšecá, chora

cha oyejuayá chca jóyëngacñana.

¹⁹ Atšbe Bëtsá, chabe bëtscá uámana y bëts bomnánaca, echanjama tšëngaftanga lempe ntšamo cmëjabotcá Cristo Jesusbiajana chašmóyëngacñana.

²⁰ Entšanga nÿets tempo chamotsinÿanÿná Bëngbe Bëtsá y Bëngbe Taitá puerte uamaná bétsemnama. Chca chaotsemna.

Chënga jtadiósoftanama

²¹ Atšbe cuenta, nÿetscanga chë Jesucristbeyeca Bëngbe Bëtsábenga imomnënga šmochjácheuaye. Atšeftaca montsemna Jesucristbeyeca catšátangnaca cmontsacheuaná.

²² Nÿetscanga chë muentše Bëngbe Bëtsábenga imomnënga, y más chë romanëngbe mandadbe bëts yebnoca oyenënga, cmontsacheuaná.

²³ Atše sëntseimpadana Bëngbe Utabná Jesucristo, chaoma tšëngaftangbeñe tšabe bendicionënga chaotsemnama.

Bëngbe Bëtsa Cabëngaftaca Entsoyebuambna New Testament in Camsá

copyright © 2009 Wycliffe Bible Translators, Inc.

Language: Camsá

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Camsá

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files
dated 29 Jan 2022
19104c0e-9046-5ff3-82fb-eb838c88dcf9